



TAJUK KHUTBAH JUMAAT

Siri: 40/2023

**BERAMAL DENGAN SUNNAH TANDA
KETAATAN DAN KEPATUHAN**

6 Oktober 2023

Bersamaan

20 Rabiul Awal 1445

**DIKELUARKAN OLEH:
JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ رَبِّ الْعَالَمِينَ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ، لَا نَبِيَّ بَعْدَهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ رَسُولِ اللَّهِ،
وَعَلَى آلِهِ وَصَحْبِهِ وَمَنْ وَاوَاهُ،
أَمَّا بَعْدُ، فَإِنِّي أَوْصِيكُمْ وَنَفْسِي بِتَقْوَى اللَّهِ الْقَائِلِ فِي مُحْكَمِ كِتَابِهِ
قُلْ أَطِيعُوا اللَّهَ وَالرَّسُولَ فَإِنْ تَوَلَّوْا فَإِنَّ اللَّهَ لَا يُحِبُّ الْكَافِرِينَ

Sidang Jumaat yang dirahmati Allah,

Khatib berpesan kepada diri sendiri dan sidang jumaat, untuk meningkatkan ketaqwaan kepada Allah dengan melaksanakan segala suruhan-Nya dan menjauhi segala larangan-Nya. Semoga pengakhiran kita semua dalam Islam dan ketaatan kepada Allah dan Rasul SAW.

Mimbar jumaat pada hari ini akan membicarakan khutbah bertajuk;

“BERAMAL DENGAN SUNNAH TANDA KETAATAN DAN KEPATUHAN”

Sidang Jumaat yang dikasihi sekalian,

Saban tahun bulan Rabi'ul Awal merupakan bulan untuk kita lebih memperingati peristiwa keputeraan Nabi Muhammad SAW, insan teragung, kekasih Allah yang membawa rahmat ke sekalian alam. Dalam kita memperingati peristiwa ini, janganlah lupa bahawa kita juga mempunyai kewajipan dalam menzahirkan ketaatan kepada Rasulullah SAW, sebagaimana firman Allah SWT dalam surah Ali-Imran, ayat 31;

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ وَاللَّهُ

غَفُورٌ رَحِيمٌ ﴿٣١﴾

Maksudnya: Katakanlah: “Jika kamu (benar-benar) mencintai Allah, ikutilah aku (Nabi Muhammad SAW), nescaya Allah mengasihi dan mengampuni dosa-dosamu.” Allah Maha Pengampun lagi Maha Penyayang.

Cinta yang hakiki terbina dengan mencintai Allah dan Rasul. Ayat ini menjelaskan bagaimana mendapatkan cinta Allah iaitu dengan mentaati perintah-Nya dan mengikuti sunnah Nabi SAW. Kecintaan kepada Allah SWT seharusnya dizahirkan dengan mengikuti segala perintah dan sunnah Nabi SAW. Bukti utama tanda kita beriman adalah dengan *'itiba'* yakni mengikuti jejak langkah dan perintah Nabi secara menyeluruh dan tidak memilih-milih apa yang disukai dan mengikut kehendak hawa nafsu semata-mata. Allah SWT telah merakamkan dalam surah al-Nisa' ayat 80:

مَنْ يُطِيعِ الرَّسُولَ فَقَدْ أَطَاعَ اللَّهَ وَمَنْ تَوَلَّىٰ فَمَا أَرْسَلْنَاكَ عَلَيْهِمْ حَفِيظًا ﴿٨٠﴾

Yang bermaksud: Sesiapa yang taat kepada Rasulullah, maka sesungguhnya ia telah taat kepada Allah; dan sesiapa yang berpaling ingkar, maka (janganlah engkau berdukacita wahai Muhammad), kerana Kami tidak mengutusmu untuk menjadi pengawal (yang memelihara mereka dari melakukan kesalahan).

Kita tidak dikira beriman sekadar mengaku mentaati perintah Allah namun enggan 'itibat dengan ajaran Rasulullah SAW. Sebagai contoh, kita diwajibkan untuk mendirikan solat lima waktu berdasarkan perintah Allah dalam al-Quran. Namun perincian dan tatacara melaksanakan ibadat solat hanya ditunjukkan oleh Nabi SAW berdasarkan hadis baginda. Begitu juga dengan ibadat dan semua cara hidup yang lain diperinci dan ditunjukkan dengan ketauladanan Nabi yang diriwayatkan melalui sunnah Nabi SAW.


Sidang jumaat yang dirahmati Allah sekalian,

Pada mimbar yang mulia ini, saya juga ingin menyeru sidang jumaat untuk memahami makna sunnah yang sebenar. Secara umumnya sunnah merupakan perkara yang disandarkan kepada Nabi SAW daripada perkataan, perbuatan dan *taqrir* (perakuan) baginda SAW. Terdapat sebahagian daripada kita yang hanya memahami sunnah pada aspek hukum tertentu sahaja, sehingga gagal menghayati sunnah sebagai panduan utama dalam kehidupan.

Pada kesempatan mulia ini, khatib akan menyebut tiga perkara bagaimana untuk kita menghayati Sunnah dalam kehidupan.

Pertama; **Sunnah sebagai cerminan akhlak yang mulia.**

Ketauladanan Nabi SAW dilihat pada akhlak Baginda yang memberi cerminan kepada ketinggian akhlak Islam. Perilaku Baginda juga memberi jawapan kepada persoalan akhlak dan moral yang berlaku dalam masyarakat, justeru ia perlu diamalkan dalam kehidupan. Firman Allah dalam surah al-Qalam ayat 4;



Maksudnya: Dan bahawa sesungguhnya engkau (wahai Nabi) mempunyai akhlak yang amat mulia.

Antara kemuliaan akhlak Baginda ialah sifat merendah diri. Baginda sentiasa memberikan kesempatan kepada sesiapa sahaja yang ingin berjumpa dengan Baginda tanpa mengira latar belakang, status dan kedudukan. Sesungguhnya sifat kerendahan diri baginda tidak pernah merendahkan kedudukannya. Bahkan sifat dan akhlak budi pekerti mulia baginda sentiasa mengangkat dan memartabat baginda sebagai ikon dan idola sepanjang zaman.

Yang kedua; **Sunnah dalam ketinggian budi bahasa.** Jika kita menyoroti hadis Nabi SAW, setiap ungkapan Baginda penuh hikmah, lembut bahasanya, tidak mencerca walaupun terhadap pihak lawan. Baginda menonjolkan ketinggian budi bahasa walau dalam apa jua keadaan dan masa. Dalam berkomunikasi, Baginda menggunakan kata-kata yang sesuai dengan tahap dan situasi pendengar, serta menjauhi kata-kata yang buruk dan negatif seperti maksud hadis baginda;

"Barangsiapa beriman kepada Allah dan hari Akhir, janganlah ia mengganggu jirannya, barangsiapa beriman kepada Allah dan hari akhirat hendaklah ia memuliakan tetamunya dan barangsiapa beriman kepada Allah dan hari akhirat hendaklah ia berkata baik atau diam."

(HR. Bukhari).

Yang ketiga; **sunnah mendidik hati sanubari**. Baginda SAW merupakan suri teladan dalam kesopanan akhlak dan hati budi yang mulia. Sifat kerendahan hati baginda amat terserlah walaupun beliau merupakan utusan dan kekasih Allah. Apabila mendengar sesuatu perkara yang kurang baik dalam satu majlis, Baginda menegur secara umum bagi menjaga kehormatan individu. Baginda tidak suka mendengar perihal negatif tentang seseorang, agar Baginda dapat berinteraksi dengan semua orang tanpa buruk sangka. Bahkan Baginda berpesan agar kita menjauhi sifat buruk sangka melalui hadis yang berbunyi:

إِيَّاكُمْ وَالظَّنَّ فَإِنَّ الظَّنَّ أَكْذَبُ الْحَدِيثِ

Maksudnya: "Jauhilah prasangka sebab prasangka adalah ucapan yang paling dusta." (Muttafaq Alaih)

Sidang jumaat yang dimuliakan,

Mengakhiri khutbah, marilah sama-sama kita mencontohi sunnah Nabi SAW dalam segenap aspek kehidupan, dengan menjadikan keperibadian Baginda sebagai contoh teladan sepanjang zaman.

أَعُوذُ بِاللَّهِ مِنَ الشَّيْطَانِ الرَّجِيمِ

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِمَن كَانَ يَرْجُوا اللَّهَ وَالْيَوْمَ الْآخِرَ

وَذَكَرَ اللَّهَ كَثِيرًا ﴿٢١﴾

Maksudnya: Demi sesungguhnya, adalah bagi kamu pada diri Rasulullah itu contoh ikutan yang baik, iaitu bagi orang yang sentiasa mengharap (keredaan) Allah dan (balasan baik) hari akhirat, serta ia pula menyebut dan mengingati Allah banyak-banyak (dalam masa susah dan senang)

(Surah al-Ahzab ayat 21)

بَارِكْ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ،
وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

Wahai hamba-hamba Allah, berbaktilah kepada Allah SWT dan jagalah setiap gerak geri dan tutur kata. Setiap tindakan yang dilakukan dan setiap perkataan yang diucapkan pasti akan dicatat oleh malaikat. Sesungguhnya setiap manusia akan diserahkan buku amalan masing-masing pada hari Akhirat nanti, dan ketika itu setiap yang tercatat dalam buku amalan tidak dapat diubah dan tak dapat dipinda lagi. Mudah-mudahan dengan peringatan ini, kita akan menjadi hamba Allah yang mendapat rahmat serta keampunan-Nya dan dimasukkan ke dalam syurga bersama kekasih kita Nabi Muhammad SAW.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا

مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ اشْفِ
مَرْضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَائِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةَ، سُلْطَانَةَ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَائِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

Ya Allah, Ya Rahman, Ya Rahim.

Perbaikilah hubungan sesama kami dengan penuh kasih sayang. Limpahkanlah dalam kehidupan keluarga kami ketenangan dan kebahagiaan, Semangat muafakat dalam kejiranan, Para remaja yang teguh iman, tinggi ilmu dan mulia akhlaknya.

Ya Allah,

Kami pohon kehadiran-Mu agar mantapkanlah pegangan kami menurut ajaran Ahli Sunnah Waljamaah dan jadikanlah kami sentiasa istiqamah dalam melaksanakan segala perintah-Mu.

Ya Allah,

Perkukuhkan perpaduan umat Islam di negeri Terengganu. Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

آمين يا الله، يا أرحم الراحمين

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.

وَالْحَمْدُ لِلَّهِ رَبِّ الْعَالَمِينَ.

عِبَادَ اللَّهِ!

أَذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،

وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.

□ قُومُوا إِلَى صَلَاتِكُمْ، يَرْحَمْكُمْ اللَّهُ.